

Møteinnkalling

Utval: **Finansutvalet**

Møtestad: Kaupanger - ViteMeir - Kaupanger - ViteMeir

Dato: 16.11.2023

Tidspunkt: 00:00 -00:00

Medlemene vert med dette kalla inn til møtet. Eventuelt forfall må meldast til sekretær snarast.

Varamedlemer møter berre etter særskild innkalling.

Oppmodar om at avklaring om habilitet vert meldt i forkant av møtet.

Stig Ove Ølmheim
ordførar

Dette dokumentet er elektronisk og har difor ikkje underskrift

Saksliste

Saksnr.	Tittel	Lukka
PS 12/2023	Budsjett 2024/økonomiplan 2024-2027 - arbeidsdokument 6/23	
PS 13/2023	Skriv, meldingar, drøftingar og orienteringar - finansutvalet 16. november 2023	

Sakshandsamar: Norunn Haugen, økonomirådgjevar
Sak nr.: 2023/1728 - 32

Saksgang

Saksnummer	Møtedato	Utval
12/2023	16.11.2023	Finansutvalet

Budsjett 2024/økonomiplan 2024-2027 - arbeidsdokument 6/23

Kommunedirektøren rår finansutvalet til å gjere slikt vedtak:

1. Finansutvalet tek arbeidsdokument 6/23 til vitande.

Vedlegg:

- 1 Budsjettinnspel frå Sogndal kulturråd 2024.doc

SAKSFRAMSTILLING**Oppfølging av arbeidsdokument 5**

I møte i finansutvalet 9. november 2023 bestemte ordføraren at det skal settast opp ekstraordinært finansutvalsmøte 16. november. I møte vedtok finansutvalet følgjande:

Ynskjer at kommunedirektøren vurderer følgjande endringar til endelegg til budsjett 2024 og ØP 2024-2027

Investeringar

Følgjande investeringar bør utsetjast til oppstart 2025

- Saften
- Trudvang skule

Investeringar knytt til Kvernhusaugen barnehage vert på totalt 38 millionar.

Drift

Kan kommunedirektøren legge inn ei prisauke på 2 prosent på heile drifta.

Etter kommunelova § 13-1 har kommunedirektøren eit ansvar for å legge fram saker som er forsvarleg utgreidd. Dette inneber at grunnlaget for saka skal gi eit faktisk og rettsleg grunnlag for å fatte vedtak. Dette notatet søkjer å belyse konsekvensane av bestillinga i finansutvalet. Kommunedirektøren må ta nokre atterhald om manglande kvalitetstrygging, då det er svært kort tid mellom bestillinga i finansutvalet og utsending av dette notatet.

Redusert prisvekst

I tidlegare arbeidsdokument er det tilrådd og vedtek ein generell kompensasjon for prisvekst på 3%, som er under generell prisvekst på varer og tenester. Når finansutvalet tilrår å reduserer kompensasjon for prisvekst til 2 prosent, så er dette eit generelt innsparingskrav. Samla sett vert budsjetttrammene til sektorområda redusert med 3,8 mill. Kr.

Fordelt på sektor:

- Administrasjon 0,1 mill.kr
- Oppvekst 0,93 mill.kr
- Helse 1, mill.kr
- Plan og teknisk 1,1 mill.kr
- Samfunn, kultur og innovasjon 0,66 mill.kr

Innsparinga vert innarbeidd i kommunedirektøren sitt framlegg til budsjett. Eit generelt kutt i denne fasen av budsjettprosessen, vil på kort sikt kunne gje tilfeldige utfall. Konsekvensar av tiltaka vart kommentert i budsjettboka. På lengre sikt er det ynskjeleg å jobbe meir systematisk med omstilling og prioritering gjennom prosjektet SK2027.

1. Utsetting av Saften

Konseptet med investeringsprosjektet på Saften er å skape ein inkluderande møtestad der alle kan delta i ulike aktivitetar til ulike tider på dagen og året. Planløysinga, med saumlaust romforløp og moglegheit for samhandling og fleirbruk på tvers av funksjonar, er eit svar på Sogndal kommune sitt ynskje om å få til mest mogleg sambruk og fleksibilitet. Når ein skal vurdere konsekvensane av ei utsetting av investeringa vel me like fullt å omtale konsekvensane for kvar enkelt teneste.

Bibliotek/Frivilligsentral

Biblioteket og frivilligsentral har i dag ikkje lokale som er godkjende og det er heller ikkje tilfredsstillande tilhøve for dei tilsette. Ved utsetjing av prosjektet vil ein måtte vurdere å finne mellombelse lokale for både frivilligsentral og bibliotek.

Ungdomsklubb

Leikanger har i dag særskilde tilhøve for sine ungdommar, og ein burde hatt ein plass å vere og utfalde seg for ungdommane, etter mange år med eit lite tilfredsstillande tilbod. Dette har m.a. vore etterspurt over tid av ungdomsrådet. Ved å legge til rette for ungdom og gi dei moglegheit til å utfalde seg på ein trygg plass, vil ungdommen kunne ha eit sosialt samlingspunkt som dei sjølve tek eigarskap til. Å utsette dette ytterlegare ser kommunedirektøren som uheldig.

Saften uteområde

Sogndal kommune har fått 975 000 kr frå Vestland fylkeskommune til å utvikle området utanfor Saften i samband med planlagt arbeid innandørs. Tilskotet føresett

50 % medfinansiering frå kommune, dugnadsinnsats og spelemidlar. Frist for gjennomføring er sett til januar 2024, men ettersom Saftenutbygginga ikkje er påbyrja må kommunen søkje om eitt års utsetting. Dersom Saftenutbygginga blir utsett eitt ytterlegare år må kommunen søkje om to års utsetting til fylkeskommunen. Dersom fylkeskommunen avslår to års utsetting vil kommunen miste tilskotet på 975 000 kr til uteområdet.

Kulturtilbod

Både biblioteket og frivilligsentral vil vera ein viktig møteplass der folk kan samlast, byggja sosiale nettverk, og ikkje minst bidra til frivillig arbeid. For lokalsamfunnet på Leikanger vil Saften vere eit løft og bidra til at bygda for ein ny, viktig sosial og ikkje minst kulturell møteplass for både born, ungdom, vaksne og eldre.

Eit fleksibelt kulturlokale (blaoboks) som kan nyttast både til forsamling og framføring av ulike sceneuttrykk, vil gjere det enklare å sette opp kulturinnhald av god kvalitet. Ei utsetjing av prosjektet betyr at systrendingane må vente lenger på å få eit lokale som forenkler oppsetjing av innhald, noko som kan bety at kulturtilbodet kunne vore breiare.

Aldersvenlege bustader

I samsvar med ønsket om å utvikle fleire trinn i omsorgstrappa og nasjonal politikk (jf. m.a. [Meld.St. 24 2022-23 Bu trygt heime-reformen](#)) er det som del av prosjektet planlagt utbygging av aldersvenlege bustadar. Det er lagt til grunn at desse skal vere sjølvfinansierande og det er lagt inn samla 30 mill. kr i salsinntekt på desse i 2025-26. Ei utsetting av prosjektet vil ikkje ha særlege konsekvensar for denne delen av prosjektet.

Administrasjonslokale

Det er lagt inn eit prosessvedtak frå finansutvalet, arbeidsdokument 6, 2021, med eit innsparingskrav på administrasjonslokale knytt til leige av lokale, reinhald, energi m.m. i storleiksorden 1,5 mill. kr årleg frå 2024. Dette ligg som føresetnad i budsjett og økonomiplan, sak 110/21. Det er kommunedirektøren si vurdering at ein ikkje vil oppnå meir enn halvtårseffekt av dette tiltaket med den framdriftsplanen er p.t. Ei utsetting av prosjektet vil ikkje gjere det mogleg å oppnå innsparinga på 0,75 mill. kr i 2024.

Det er krevjande å isolere administrasjonsdelen av Saften-prosjektet heilt og fullt, då heile tanken bak prosjektet er å ha mest mogleg samdrift og fellesbruk av areal. Om ein likevel gjer ei slik rekneøving, vil investeringskostnaden vere om lag 22,8 mill. kr. eks. mva. Låneopptaket vil fordele seg noko utover året, men om ein legg til grunn $\frac{3}{4}$ årseffekt på rentekostnaden vil denne vere 0,75 mill. kr. Om ein i tillegg reknar inn kostnaden ved prisvekst, er det kommunedirektøren si vurdering at ei utsetting samla sett vil ha negativ økonomisk effekt.

Alternative tiltak for kostnadsreduksjon

I sak 21/23 i kommunestyret 11. mai 2023 er det omtala følgjande alternativ:

Om rammene for prosjektet skal reduserast bør ein vurdere å redusere arealet til fellesfunksjon/kafè, blåboks, deleverkstad/skapeverkstad og arealet til ungdomsklubb. Nokre av desse funksjonane kan då løysast innanfor det utvida arealet til bibliotek. Dette kan redusere prosjektet med 7,1 mill. kroner

(vel 400 kvm). Det som ein ikkje vil finne noko form for alternativ for er blåboksen. Med bortfall av denne forsvinn ein stor del av kulturtilbodet på Saften. I tillegg vil ein misse moglegheita til å bruke rommet til kommunestyremøte.

Samla økonomisk bilde

Det er i budsjettet sett av 45,6 mill. kr, eks. mva, til investeringa i 2024. Låneopptaket vil samla gje renteeffekt på om lag 6 månader i 2024. Dette utgjer 1,07 mill. kr. Samstundes vil ei utsetting av prosjektet medføre at ein også må rekne inn prisveksten. Differansen mellom rentekostnad og prisvekst gir ein reel kostnad på låneopptaket på 0,3 mill. kr. I lys av at ein ikkje får realisert innsparingar på administrasjonslokale på 0,75 mill. kr. ser ikkje kommunedirektøren det som formålstenleg verken økonomisk, eller opp mot konsekvensane for brukarane av tenestene til kommunen, å utsetje prosjektet.

Som ein tilleggsdimensjon vil kommunedirektøren omtale at det er lite store utbyggingsprosjekt i marknaden i dag. Eit stort tal entreprenørar har mykje arbeidskraft som ein ønskjer å halde i arbeid. Det er forventa at fleire vil gje tilbod som er relativt økonomisk gunstige ut i frå marknadssituasjonen som er på noverande tidspunkt.

2. Utsetting av Trudvang skule

Kommunestyret vedtok i oktober 2021 ein skulebehovsplan. Som grunnlag for saka utarbeidde Norconsult AS ein analyse av framtidig elevtalsgrunnlag og tilstanden til skulane. For Trudvang krins vart det omtala ein stor årleg progressiv auke gjennom heile prognoseperioden til 2036. Kapasitetsvurderinga for Trudvang er:

Undervisningsareala ved Trudvang skule er av varierende kvalitet. Dei generelle læringsareala i B-bygget er jamt over gode, og klasseromma i 1. etasje er godt tilpassa formålet både med tanke på utforming, storleik og funksjonalitet. Undervisningsareala i A-bygget er ikkje av same kvalitet, møter ikkje dei krava til funksjonalitet som er naudsynt i eit moderne skulebygg. Ved maksimal utnytting av kapasiteten i klasseromma vil tilgang til spesialisert læringsareal og støtteareal vere mangelfull. Behov for støtteareal i form av funksjonelle grupperom, delingsrom og spesialisert læringsareal er kritisk når det er snakk om en skole av Trudvang sin størrelse. På grunn av mangel på desse funksjonane vil den faktiske elevkapasiteten ved skulen vere lågare enn den isolerte klasseromskapasiteten åleine.

Norconsult vurderte at ein skulle nå opp mot kritisk kapasitet skuleåret 2026/27. På grunn av at skulen har fått elevar med ulike behov, har det allereie inneverande skuleår vore behov for å sette opp ein brakkerigg for å syte føre gode nok læringsareal.

Framdriftsplan

Det er svært arbeidskrevjande å få på plass eit kvalitetstrygga konkurransegrunnlag, men ambisjonen er å lyse ut konkurransen seinast 01.12.2023. Frist for tilbod vert med dette mest truleg starten av mars 2024. Utfall av konkurransen og kontrahering av entreprenør kan gjerast første del av april. Deretter følgjer ein samspelsfase til september 2025. Før signering av totalentreprisekontrakt skal ferdig prissett

forprosjekt handsamast politisk i oktober. Detaljprosjektering kan skje parallelt med saksførebuing og politisk handsaming. Dette for å gjere det mogleg med oppstart straks politisk handsaming er gjennomført.

Arbeidet med konkurranse, samspelsfase og parallell regulering er stipulerte til 11 mill. kr.

Dersom ein kan starte arbeid i utbyggingsområdet før frosten, kan store delar av rivinga og førebuande anleggsarbeid gjerast i 2024. Evt. vinterdrift fører til vesentleg høgare kostnad, alternativet er utsetjing av fleire moment til våren og med det lenger byggetid. Det er med bakgrunn i dette sett av 20 mill. kr til riving, grunnarbeid og grunnnerverv i 2024. Det er stor uvisse knytt til fordelinga av kostande på desse områda mellom 2024 og 2025. Det er kommunedirektøren si klare tilråding at ein har tilstrekkeleg med midlar tilgjengeleg i 2024 til å kunne halde naudsynt framdrift. Budsjettet vil måtte justerast i tertial i 2024 når ein har meir detaljert framdriftsplan.

Konsekvensar for elevane ved utsetting

Ei utsetting av prosjektet vil medføre at skulen ikkje vil ha tilstrekkeleg kapasitet. Ein må då supplere med mellombelse skulelokale. Dette medfører meir krevjande skuledrift og ein risikerer å ha negativ innverknad på framdrift/tilhøve for anten utbyggingsprosjektet eller skuleområdet utanfor byggeområdet.

Økonomiske konsekvensar

Kommunedirektøren har gjennom kvalitetstrygging av framdriftsplanen redusert budsjetteringa frå 60 mill. kr i 2024 til 31 mill. kr, og ditto auka budsjettet i 2025 frå 250 mill. kr. til 279 mill. kr. Dette reduserer rentekostnaden i 2024 med om lag 0,5 mill. kr. Dette vert innarbeidd i framlegg til budsjett og økonomiplan.

Om ein vel å utsette prosjektet fullstendig vil det auke kostnaden i slutten av økonomiplanperioden. Dei mellombelse lokala som er oppført per no kostar 33.000 kr per mnd. Ved utsetting må ein rekne med kostnader til fleire slike brakker. Transport og demontering/tilbakelevering av brakkene kostar om lag 1 mill. kr.

Kommunedirektøren vil, som under omtalen av prosjektet på Saften, nemne at det er lite store utbyggingsprosjekt i marknaden og eit stort tal entreprenørar har mykje arbeidskraft ein ønskjer å halde i arbeid. Ut frå dette er det venta at fleire vil gje tilbod som er relativt økonomisk gunstige i dagens situasjon. Ein tilleggsdimensjon er at prisstigninga medfører at ein med dagens utvikling må vente seg høgare samla kostnad for prosjektet jo lenger ein utsett oppstart.

Alternative tiltak for kostnadsreduksjon

Det har over tid vore fleire vedtak i kommunestyret om bygging av ny fleirbruks- og basishall i Sogndal. Ramma for dette prosjektet var opphavleg 90 mill. kr. Dette har vore ein integrert del av planen om ny skule i Sogndal sidan vedtak i 2021.

Samstundes, om ein skal kritisk vurdere kva ein må bygge ut frå det kommunale tenestetilbodet, er det mogleg å redusere prosjektet noko på dette området. Skulen har behov for to gymsalar for å dekke krava i kroppsøvingsfaget. Det er uvisse knytt til om eksisterande hall kan nyttast. Om ein kan bruke denne er det i tillegg behov for ein «liten idrettshall» på 384 kvm. Ein slik hall er kostnadsrekna til 15-17 mill. kr. Om dagens lokale ikkje kan gjenbrukast, kan ein doble kostnaden. Dette gir eit høve til

teoretisk å redusere prosjektet med 56-60 mill. kr. Føresetnaden er skulen ikkje i altfor stor grad må tilpassast eit slikt anlegg.

Eit gymareal på skulen må rette seg etter krava til idretten for å kunne løyse ut spelemlidar. Ein volleyballbane/liten idrettshall på 384 kvm vil gjere det. Arealet må kunne delast i to med skiljevegg slik at to klassar kan vere der samstundes. For idretten sin del må mange av aktivitetane som representerer mangfaldet bruke lokale som er mindre eigna eller midlertidige løysingar i dag. Idrettslaget ønskjer aktivitetsflater som forenkler hallfordelinga, styrkar breidda av aktivitetstilbod, gir meir føreseielege treningstider og leigekostnader, og gir betre fasilitetar for ulike typar aktivitetar. Det siste inneber også betre fasilitetar for å arrangere stemne og turneringar. Ein basis- og fleirbrukshall vil sjølvstendig kunne løyse mykje av dette. Særleg turngruppa har behov for betre rammer for sin aktivitet. Mykje av dette vil ikkje bli løyst med å bygge ein eller to små idrettshallar.

Om ein vel ei slik løysing for å redusere kostnadane ved prosjektet vil kommunedirektøren gjere merksam på at dette med stort sannsyn betyr at det ikkje kan byggast ny basis- og fleirbrukshall på lang tid. På Trudvangtomta vil det vere svært vanskeleg å bygge dette etter ferdigstilling av utbyggingsprosjektet. Det vil medføre stor innverknad på skuledrifta og det vil vere krevjande å handtere tryggleiken i byggefasen.

Ei eventuell bygging anna stad i Sogndal, t.d. på Kvåle, vil medføre ekstra rigggkostnad slik at det ikkje vil vere mogleg å bygge tilsvarende det som vert innsparinga ved å ta hallen ut av prosjektet med ny skule på Trudvang.

Samla vurdering

Kommunedirektøren har fått attendemeldingar frå Utdanningsforbundet at tilsette ved skulen er uroa for framdrifta i arbeidet med ny barneskule i Sogndal sentrum. Kommunedirektøren deler denne uroa og vil streke under viktigheita av å halde framdrift på prosjektet. Om ein ønskjer å sjå på ein reduksjon i investeringskostnadane tilrår kommunedirektøren heller å ta ei vurdering av basis- og fleirbrukshallen.

3. Bygging av ny barnehage på Kaupanger for 38 mill. kr

Investering

Uavhengig av storleiken på barnehagen ligg det til grunn ein del faste kostnader ved etablering av varig barnehage. Det er lagt inn 5,5 mill. kr til grunnnerverv, regulering og prosjektering.

Ein barnehage kostar gjennomsnittleg i underkant av 36.000,-/kvm. Utbygging av ein barnehage med 5 avdelingar i 2 etg. kostar om lag 60 mill. og er på 1661 kvm. med 1000 kvm. opparbeida uteområde. Grovt forenkla interpolering, eks. grunnkostnader ol., gjev 900 kvm. barnehage med 2,7 avdelingar for 38 mill. kr.

Om ein legg til grunn at ein skal bygge barnehagen i to byggsteg gir dette ekstrakostnader til rigg og nedrigg. I tillegg vil ein også få nokre ekstrakostnader då ein i første byggsteg må legge til rette for kommande byggsteg. Eit forsiktig estimat er ekstrakostnad på 0,3-0,5 mill. kr.

Drift

Økonomi

«Norma» ved bygging av nye barnehagar er å bygge barnehagar som har 4-5 avdelingar. Bakgrunnen for dette er at denne storleiken gir lågast driftskostnad per barn.

Gjennomsnittskostnaden per born for ein barnehage i Sogndal kommune er:

- | | |
|----------------|------------|
| • 1. avd.: | 301 274 kr |
| • 2. avd. | 167 129 kr |
| • 3. avd. | 141 897 kr |
| • 6 og 7. avd. | 149 547 kr |

Dei private barnehagane er ikkje tatt med som grunnlag for gjennomsnittskostnaden. Det er om lag ein kostnadsforskjell på 25 000 kr per. born mellom ein 2. avd. og ein 3. avd. barnehage per år.

For borna

Det er vil vere krevjande å drifte barnehagen i ein byggefase i høve tryggleik, planlegging, transport og drift av barnehagen.

Med to byggesteg vil ein måtte drifte delar av barnehagen medan ein bygger ein annan stad på barnehagetomta. I byggeperioden vil store deler av tilgjengeleg areal på tomta vere redusert. Areal som ikkje er tilgjengeleg i byggeperioden set krav til erstatningsareal som til dels kan løysast ved at kommunen kan låne areal andre stadar på Kaupanger, men dette vil gje redusert kvalitet for borna. God dialog og koordinering mellom utførande og barnehagen vil vere kritisk for ei gjennomføring av utbygging i to byggesteg. Det er kommunedirektøren si klåre tilråding at ein bør unngå bygging av barnehagar i fleire steg om ein kan unngå dette.

Saksgang vidare

Kommunedirektøren har sett i gang eit arbeid med analyse av tal born og behovet for barnehagar framover. Resultatet av arbeidet vil gje eit grunnlag for å vurdere når, og med kva volum, det er behov for ny barnehage. Ein vil deretter prosjektere barnehagen og lage til sak til politisk handsaming hausten 2024. Dette vil endeleg avklare både storleik og økonomisk ramme på prosjektet.

4. Musikkbinge

Musikkbinge Kaupanger har ei totalkostnadsramme på inntil 0,2 mill. Kr. Prosjektet er planlagt delvis finansiert i 2023 med overføring frå drift. Budsjettamme for 2024 vert difor redusert til 50 000 kr. Endringa vert innarbeidd i kommunedirektøren sitt endelege framlegg til budsjett.

Budsjettinnspel frå Sogndal kulturråd

Sogndal kulturråd vart oppnemnd i 2020 etter samanslåinga av kommunane Balestrand, Leikanger og Sogndal. Vi registrerer at det i perioden 2020 – 2023 har skjedd mykje positivt når det gjeld kommunen sitt fokus på både det frivillige og profesjonelle kulturfeltet. Omorganisering av Sogndal kulturhus, med eigen kulturhussjef, samt kommunal kultursjef og eigen kommunalsjef for samfunn, næring og kultur, har medverka til tydeleggjering av dei administrative ansvarsforholda for kultursektoren. Ny kulturpris har òg medverka til å synleggjere det mangfaldige og kreative kulturmiljøet vi har i Sogndal kommune.

Fokus på eit levande og skapande kulturliv i samfunnsplanen har òg vore viktig for å understreke kor viktig kulturfrivilligheita er for å skape gode lokalsamfunn.

Her vil Sogndal kulturråd òg gje kommunen ros for at ny kulturstrategi vart vedteken av kommunestyret, samt auka løyving for budsjettåret 2023 for å følgje opp arbeidet med ny kulturstrategi. Ikkje minst medverka vedtaket til å gje administrasjonen naudsynte politiske føringar for å prioritere fagfeltet.

Vi ser òg av kostratala at det har vore ei positiv dreining. I 2020 hadde Sogndal kommune netto driftsutgifter til ålmenn kultur på 1.860,- pr. innbyggjar. Dette var om lag halvparten av netto driftsutgifter for kommunar det er naturleg å samanlikne seg med. I 2022 hadde netto driftsutgifter i Sogndal kommune auka til 2 229,- pr. innbyggjar.

Samstundes har Sogndal kulturråd sidan etableringa av rådet påpeikt at kommunen ligg under samanliknbare kommunar når det gjeld netto driftsutgifter til ålment kulturarbeid. Dette er òg stadfesta av administrasjonen i Sogndal kommune så seint som i august 2022. Sogndal kommune låg den gong 17 millionar kroner under samanliknbare kommunar. Det er ikkje grunn til å tru at dette har endra seg i vesentleg grad.

Sogndal kulturråd vil framheve at det er særskild viktig at det vert avsett nok økonomiske og personalmessige ressursar til å følgje opp kulturstrategien. Det er sett i gang mykje positivt arbeid med utgangspunkt i strategien. Eit døme på dette er arbeidet med ny kulturmiljøplan.

Samstundes er Sogndal kommune framleis kjenneteikna av eit lågt forbruk og etter forholda små kommunale støtteordningar til lag og frivillige organisasjonar. Vi har òg ein liten, men effektiv kulturadministrasjon i kommunen. For å bygge opp under frivilligheita er det viktig at dei kommunale støtteordningane ikkje vert reduserte. Her vil vi sterkt åtvare mot å redusere løyvingane frå fem mill. i 2023 til fire mill. i 2024.

Sogndal kulturråd ber òg om at det vert satt av midlar for å utvikle kulturhuset i tråd med tilrådinga frå arbeidsgruppa for utvikling av Sogndal kulturhus.

Vi ber difor om at det vert sett i gang gradvis opptrapping av dei økonomiske rammene for både å ta vare på og vidareutvikle kulturlivet i Sogndal kommune. Ambisjonen må vere å kome på same nivå som kommunar det er naturleg å samanlikne seg med, jf. underdekninga på 17 millionar kr.

Samanfatta ber Sogndal kulturråd om følgjande:

- I dag ligg kommunen under tilsvarande kommunar i kultursektoren. Kommunedirektøren må kome med plan for korleis dette gapet kan tettast. Dette må skje med utgangspunkt i kulturstrategien og i nært samarbeid med kultursektoren.

- Budsjettløyvinga på ein mill. til arbeid med kulturstrategien vert vidareført i 2024.
- Kulturtilskotet må heller aukast enn kuttast, jf. budsjettforslag frå kommunaldirektøren.
- I dag disponerer ikkje Sogndal kulturråd egne midlar. Vi ber om at det vert avsett 50 000,- som kulturrådet kan disponere til egne tiltak.
- Arbeidet med å revitalisere Sogndal kulturhus må fullfinansierast
- I dag har bibliotekenesta svært få midlar til å fornye biblioteka. Det er sentrale føringar på å gjere biblioteka meir opne og inkluderande, både når det gjeld ulike brukargrupper og arrangement. Vi ber difor om at driftsbudsjettet til biblioteka vert auka.

Med venleg helsing

Sogndal kulturråd

v/ leiar Christoffer Knagenhjelm

Sakshandsamar: Reidun Sørestrand Hågvar, avd.leiar arkiv og politisk sekretariat
Sak nr.: 2023/3650 - 7

Saksgang

Saksnummer	Møtedato	Utval
13/2023	16.11.2023	Finansutvalet

Skriv, meldingar, drøftingar og orienteringar - finansutvalet 16. november 2023

A. Skriv og meldingar:

B. Drøftingar:

C. Orienteringar:

D. Spørsmål frå medlemmane: